

ADMINISTRACIÓN LOCAL

PROVINCIAL

DEPUTACIÓN PROVINCIAL DA CORUÑA

Servizo de Acción Social, Cultural e Deportes. Sección de Educación, Cultura e Deportes

R.P.2018/10031 pola que se aproban as Bases do Progr.de subvencións a fundacións e a entidades sen fins de lucro da provincia da Coruña titulares de museos, centros de interpretación ou bibliotecas, para o desenvolvemento de actividades culturais, 2018

Bases reguladoras do Programa de subvencións a fundacións e a entidades sen fins de lucro da provincia da Coruña titulares de museos, centros de interpretación ou bibliotecas, para o desenvolvemento de actividades culturais durante o ano 2018

Por resolución do 20 de marzo de 2018, o Presidente da Deputación aprobou as Bases reguladoras do Programa de subvencións a fundacións e a entidades sen fins de lucro da provincia da Coruña titulares de museos, centros de interpretación ou bibliotecas, para o desenvolvemento de actividades culturais durante o ano 2018, que se transcriben deseguido:

PROGRAMA DE SUBVENCIÓNS A FUNDACIÓNS E A ENTIDADES SEN FINS DE LUCRO DA PROVINCIA DA CORUÑA TITULARES DE MUSEOS, CENTROS DE INTERPRETACIÓN OU BIBLIOTECAS, PARA O DESENVOLVEMENTO DE ACTIVIDADES CULTURAIIS DURANTE O ANO 2018

BASES ESPECÍFICAS DO PROGRAMA (complementarias das bases reguladoras xerais)

Datos do programa

Denominación:	Programa de subvencións a fundacións e a entidades sen fins de lucro da provincia da Coruña titulares de museos, centros de interpretación ou bibliotecas, para o desenvolvemento de actividades culturais durante o ano 2018
Referencia:	F0200/2018
Aplicación orzamentaria:	0612/3341/481 - Importe 500.000 Este importe poderá ser obxecto de modificación orzamentaria.
Importe do orzamento de gastos:	Mínimo 5.000 € máximo 37.500 €
Importe da subvención que se ha conceder:	Mínimo 1.500 €, máximo 30.000 €
Importe da solicitude:	Do 20% ao 80% do orzamento de gastos subvencionable
Coefficiente de financiamento:	Variable entre 0,20 a 0,80

Base 3. Finalidades e obxecto

Finalidades e obxecto específicos do programa F0200/2018

Con este novo programa de subvencións procúrase incidir na protección e posta en valor dos bens que integran os fondos patrimoniais das entidades beneficiarias, e na realización de actividades e iniciativas culturais orientadas á súa divulgación e coñecemento social.

Este programa de subvencións oriéntase igualmente á vontade de favorecer e impulsar o desenvolvemento de liñas de traballo directamente relacionadas coa construción dunha sociedade máis culta, igualitaria, inclusiva, respectuosa coa diversidade e atenta á realidade social e cultural da que formamos parte.

En base ao anterior, as finalidades deste programa, que serán tomadas en consideración na valoración dos proxectos, son as seguintes:

- Impulsar a accesibilidade social, física e intelectual aos contidos culturais dos museos, centros de interpretación, bibliotecas e fundacións.
- Apoiar a diversidade cultural e lingüística.
- Promover a inclusión da perspectiva de xénero nas liñas de actuación.
- Fomentar os proxectos de creación contemporánea en torno ao patrimonio cultural custodiado nos museos, centros de interpretación, bibliotecas e fundacións.

- Desenvolver accións encamiñadas a situar aos museos, centros de interpretación, bibliotecas e fundacións como institucións relevantes na expansión do turismo cultural.
- Potenciar proxectos de innovación que teñan como obxectivo achegar os museos, centros de interpretación, bibliotecas e fundacións á sociedade e facela partícipe do seu labor.
- Favorecer actuacións de sensibilización en torno ao valor do patrimonio cultural e á función social dos museos, centros de interpretación, bibliotecas e fundacións.
- Favorecer o desenvolvemento de iniciativas, proxectos e accións encamiñadas á divulgación social dos avances sociais na conquista de dereitos e na loita contra as discriminacións políticas, relixiosas, de xénero, culturais e lingüísticas, de opción sexual, de raza etc.
- Apoiar proxectos que expoñan solucións e fórmulas que contribúan a mellorar a sustentabilidade dos museos, centros de interpretación, bibliotecas e fundacións.
- Impulsar o coñecemento do patrimonio histórico-cultural dos concellos e comarcas de que fan parte.
- Fomentar o coñecemento dos fitos e dos avances sociais relevantes na historia da cultura, a arte e o pensamento político e social en Galicia.
- Contribuír á participación da sociedade civil nos museos, centros de interpretación, bibliotecas e fundacións, con especial atención ás mozas e mozos, terceira idade e colectivos con risco de exclusión social.

Serán obxecto deste programa de subvencións:

- O desenvolvemento de iniciativas e proxectos orientados á investigación, estudo e divulgación de coñecemento relacionado co obxecto de atención da entidade, a través da elaboración e publicación de materiais (exposicións, vídeos, libros...) e á realización de actividades (xornadas, conferencias, actividades didácticas etc.), incluíndo gastos de persoal inherentes ao seu desenvolvemento.
- Os traballos de documentación (rexistros, inventarios e catálogos de fondos) e conservación preventiva das coleccións (excluídos gastos de investimento), incluíndo gastos de persoal inherentes ao seu desenvolvemento.
- O funcionamento e mantemento dos museos e coleccións museográficas.

Unicamente serán obxecto de axuda os gastos de carácter corrente, en ningún caso bens inventariables.

Gastos subvencionables neste programa de subvencións:

CONTA	DESCRICIÓN DA CONTA, SEGUNDO O PXCPENL (*)
600	Compras de bens destinados á actividade (material non inventariable)
621	Arrendamentos e canons
622	Reparacións e conservación
623	Servizos de profesionais independentes (Contratacións externas)
625	Seguros
627	Publicidade e propaganda
640	Soldos e salarios
642	Seguridade social a cargo da entidade

* Resolución do 26/03/2013, do Plan de contabilidade de pequenas e medianas entidades sen fins lucrativos.

Base 4. Exclusiones

Exclusiones específicas do programa F0200/2018

Ademais das exclusiones expresadas na base 4 das Bases reguladoras xerais, non serán obxecto de subvención neste programa:

- Os gastos de carácter xeral da entidade (persoal e gastos correntes).
- Os gastos de manutención, aloxamento e atencións protocolarias.
- Os gastos financeiros.
- As actividades deportivas e de tempo libre, de promoción económica, de servizos sociais e de turismo.

Base 5. Entidades solicitantes

Entidades privadas sen fins de lucro con sede na provincia da Coruña que sexan titulares de Museos ou Centros de Interpretación inscritos na Rede de Museos de Galicia ou de bibliotecas inscritas na Rede de Bibliotecas de Galicia.

Fundacións públicas e privadas con sede na provincia da Coruña que non teñan a consideración de medios propios e instrumentais da administración autonómica ou estatal, depositarias de bens patrimoniais de interese cultural e/ou centradas no coñecemento, a divulgación e a análise da historia, a arte, a cultura e o pensamento social e político.

Como **excepción** ao establecido nas Bases reguladoras xerais, as entidades que opten por este programa poderán tamén solicitar subvención no programa FO223: Programa de subvencións a entidades sen ánimo de lucro para o apoio ao desenvolvemento de festivais audiovisuais, musicais e de artes escénicas na provincia da Coruña durante o ano 2018.

Base 6.- Obrigas das entidades

Obrigas específicas das entidades solicitantes do programa FO200/2018.

A realización do programa de actividades para o que fose concedida a subvención será de exclusiva responsabilidade da entidade, así como as obrigas fiscais e de seguridade social que delas se deriven.

Ademais das obrigas expresadas na base 6 das bases reguladoras, as entidades solicitantes de subvención neste programa terán as seguintes:

- A sinalética, soportes de difusión e contidos divulgativos da entidade e do seu espazo ou sede (web, redes sociais, folletos, cartelería, publicacións...) debe estar en lingua galega, sen que isto exclúa a posibilidade de que tamén estea noutras.
- Na difusión en redes sociais das actividades vinculadas aos proxectos subvencionados por esta convocatoria, as entidades deberán vincular ou citar nos contidos de difusión os perfís da área de Cultura da Deputación da Coruña: en twitter @DACultura e en facebook o perfil facebook.com/Culturadac
- As publicacións, materiais e actividades que reciban o apoio desta liña de subvencións deberán ter como lingua vehicular a galega, sen que isto exclúa a posibilidade de que tamén se empreguen outras.

Base 7. Solicitudes

7.1 Prazo e presentación de solicitudes específicos do programa FO200/2018

O prazo de presentación de solicitudes determinarase no anuncio de publicación da convocatoria deste programa no BOP da Coruña, a través do Sistema Nacional de Publicación de Subvencións.

7.2 Documentación específica do programa FO200/2018

• Dossier da entidade e memoria explicativa da actividade que conterá como mínimo os seguintes aspectos, todos eles directamente valorados nos criterios de baremación desta convocatoria, que se recomenda usar como referencia:

- a. traxectoria da entidade e relación dos proxectos específicos realizados nos últimos 10 anos
- b. datos do modelo de xestión da sede ou espazo físico visitable da entidade, en caso de existir
- c. descrición da actividade cultural realizada no ano anterior
- d. descrición do esforzo de difusión e impacto social realizado nas actividades e proxectos do ano anterior
- e. descrición da conectividade territorial e social do proxecto presentado
- f. descrición do proxecto que se vai realizar, da súa calidade, interese, solvencia e viabilidade

- Orzamento estimado dos gastos derivados da realización da actividade, desagregado por conceptos.
- Importe da subvención solicitada, que non poderá superar o 80% do orzamento de gastos.
- A declaración doutras subvencións concedidas ou solicitadas para o mesmo obxecto.
- Declaración do horario de apertura.
- A declaración do emprego da lingua galega na realización do proxecto.
- No caso de que se solicite a autorización para concertar a execución total ou parcial das actividades con persoas xurídicas vinculadas, deberán indicar a epígrafe na que está inscrita no IAE e achegar a documentación de constitución da entidade para comprobar o seu obxecto social.

Poderase requirir a entidade para que achegue cantos datos, documentos complementarios e aclaracións resulten necesarios para a tramitación e resolución do procedemento.

Base 8. Resolución

8.1 Valoración das solicitudes específica do programa 200/2018

- **Coeficiente de financiamento** derivado da solicitude: ata 10 puntos; valorarase segundo a súa definición recollida no apartado 9.2.1 das Bases Xerais de tal xeito que a menor coeficiente, meirande puntuación obterá o solicitante.
 - **Traxectoria da entidade**, persoa física ou xurídica dentro da actividade para a que se solicita a axuda: ata 10 puntos.
 - ata 5 proxectos específicos realizados nos últimos 10 anos: 5 puntos.
 - máis de 5 proxectos específicos realizados no últimos 10 anos: 7 puntos.
 - máis de 8 proxecto específicos realizados nos últimos 10 anos: 10 puntos.
 - **Xestión dos espazos visitables das entidades**, ata 10 puntos.

A entidade conta con sede ou espazo físico visitable e aberto ao público, 5 puntos.

A sede ou espazo físico visitable da entidade abre:

 - máis de 20 horas/semana: 5 puntos.
 - entre 10 e 20 horas/semana: 2 puntos.
 - **Valoración de actividades do ano anterior**, ata 20 puntos.

A entidade desenvolveu no ano anterior:

 - accións específicas de didáctica e difusión social: 2 puntos por acción, ata un máximo de 10 puntos.
 - publicacións, estudos ou materiais culturais en edición venal (dirixidos á venda ao público): 4 puntos por cada, ata un máximo de 10 puntos.
 - **Esfuerzo de difusión e impacto social** das actividades da entidade, a través da valoración do ano anterior, ata 10 puntos.
 - Dossier de prensa das actividades culturais do ano anterior. Debe presentarse PDF coa relación de recortes de prensa e as ligazóns a medios dixitais. 2 puntos.
 - Enlace ou identificación da páxina web específica da entidade. Para esta valoración esixírase que a lingua vehicular de expresión da web sexa a lingua galega, sen que iso exclúa a posibilidade de uso, a maiores, doutras. 2 puntos.
 - Enlace ou identificación dos perfís de redes sociais (twitter, facebook). Para esta valoración esixírase que a lingua vehicular de expresión sexa a lingua galega, sen que iso exclúa a posibilidade de uso, a maiores, doutras. 2 puntos.
 - Elaboración de soportes e materiais divulgativos das actividades do ano anterior:
 - Presentación dun PDF coa relación de soportes en formato papel elaborados e distribuídos o ano anterior (folletos, programas e cartelería). 2 puntos.
 - Relación de enlaces aos contidos divulgativos realizados en formato audiovisual no ano anterior (videos promocionais ou outros materiais similares). 2 puntos.
 - **Conectividade cultural e territorial do proxecto actual**: ata 10 puntos; valorarase a amplitude de institucións e entidades implicadas no proxecto, a través do desenvolvemento directo de actividades ou colaboración no deseño e desenvolvemento dos contidos.
 - 2 entidades e/ou institucións da provincia implicadas no proxecto como co-organizadoras ou colaboradoras (indicárase de forma obrigatoria a relación de entidades): 3 puntos.
 - máis de 2 entidades e/ou institucións da provincia implicadas no proxecto como co- organizadoras ou colaboradoras (indicárase de forma obrigatoria a relación de entidades): 6 puntos.
 - máis de 2 entidades e/ou institucións de fóra da provincia implicadas no proxecto como co- organizadoras ou colaboradoras (indicárase de forma obrigatoria a relación de entidades): 10 puntos.
 - **Calidade, detalle e interese do proxecto** presentado, así como a súa adecuación ás finalidades definidas no obxecto da presente convocatoria: ata 30 puntos; valorarase, a través dunha Comisión Técnica, co informe técnico correspondente, os seguintes aspectos:
 - A viabilidade, sustentabilidade e adecuación do orzamento. Ata 15 puntos.
 - O interese cultural, a calidade técnica e o impacto social da proposta. Ata 15 puntos.
- Na valoración da memoria destes apartados, teranse en conta, entre outros elementos, os seguintes: que os proxectos presentados respondan a proxectos con continuidade e non unicamente a actividades puntuais illadas, unha adecuada

concreción e xustificación das fontes de financiamento externas para o sostemento das actividades e unha calidade e corrección lingüística adecuada na elaboración da memoria.

Con carácter xeral, advírtese de que a non cobertura da información requirida nalgún dos apartados anteriores da Base 8 desta convocatoria conlevará a perda automática da puntuación correspondente.

Base 9.- Xustificación e pagamento

9.1 Documentación específica do programa F0200/2018

- Memoria das actividades desenvolvidas na anualidade, que conterá como mínimo os seguintes aspectos: actividades desenvolvidas, temporalización, ámbito territorial, cuantificación e perfil dos participantes, resultados obtidos e indicación do cumprimento das condicións impostas na concesión da subvención e en concreto das obrigas específicas establecidas na **base 6**.

- Acreditación da inclusión do logotipo da Deputación e uso da lingua galega nos soportes de difusión das actividades subvencionadas e da obriga de incluír en lugar visible e na súa páxina web a imaxe corporativa da Deputación da Coruña.

A Coruña, 20 de marzo de 2018

O presidente,

Valentín González Formoso

A secretaria accidental,

M^a Amparo C. Taboada Gil

2018/2194